

Eapropter predecessor noster Hugo Antissiodoren-  
sis episcopus plurima largitus est canonicis regula-  
ribus Præmonstratensis ordinis, quos zelo religionis  
succensos apud Antissiodorum in ecclesia S. Ma-  
tiani ibidem Deo servituros instituit. Si quidem do-  
navit, eis prænominatam ecclesiam S. Mariani, cum  
quibusdam eidem ecclesiæ appendentibus vineis,  
ecclesiam S. Martini, ecclesiam S. Salvii, et sedem  
molendini super Belcham fluvium, cum terra et  
censu pertinentibus ad molendum. Donavit etiam  
eis ecclesiam B. Mariæ in suburbio sitam, cum  
censibus et vineis, terris, decimis, pratis, servis et  
ancillis, et omnibus appendentibus prope Longene  
positis, et præbendam integrum in Ecclesia S. Ste-  
phani. Hæc omnia canonici de manu episcopi acci-  
pientes, ea tamen seu simplicitate, seu nimia do-  
nantis confidentia sigillo episcopali non confirman-  
tes, nunc a nobis depositunt ista confirmari. Ne igi-  
tur de his aliquam in futurum sustineant calum-  
niā, ipsa eadem quæ donavit, assensu et conces-  
sione totius capitulo Sancti Stephani, et precibus  
Willelmi comitis Nivernensis, postea Carthusiæ  
conversi, non etiam laudante ipso capitulo, dona-  
mus : quibus etiam donis, ex episcopalī benignitate,  
ecclesiam de Tangiaco donantes adjungimus : et ut  
rata, inconvulsaque eis permaneant, conscribi, si-  
gillorumque, nostri videlicet et communis capituli  
S. Stephani characteribus fecimus consignari.

Actum est hoc anno ab Incarnatione Domini  
1163.

## II.

*S. Amatoris prioratus S. Satyri Bituricensis mona-  
sterio unitur.*

Ad episcopalī officii discretionem pertinet loca  
religiosa non solum tutari et conservare, verum  
etiam ipsam religionem in meliorem statum promo-  
vere. Inde est quod ego ALANUS Dei gratia Antissi-  
dorensis dictus episcopus, ecclesiam B. Amatoris  
ex officio mihi injuncto et apostolicæ auctoritatis  
mandato, cum illis possessionibus, quas canonici  
regulares tunc tenebant, ecclesiæ S. Satyri in per-  
petuum concedo, salvis institutionibus quæ sunt in-  
ter ecclesiam S. Amatoris et B. Stephani, et ea  
conditione ut per episcopum prior ibi de dono illa  
constituatur, et ibidem juxta consuetudinem et di-  
sciplinam prænominatae ecclesiæ vivat, et cum suis

A fratribus, adjuvante gratia Domini, ordinem B. Au-  
gustini teneat, et cum fuerit constitutus nisi per  
episcopum amoveatur. Ne qua vero deinceps inter  
episcopum et canonicos controversiæ oriatur occa-  
sio, constitutum est mœ et eorum assensu, ut de  
viueis episcopi in quibus canonici decimam requi-  
rebat, episcopus singulis annis duodecim modios  
vini persolvat, decem de rubeo et duos de albo.  
In terra vero quæ Cunemine dicitur, episcopi quo-  
ties culta fuerit, canonici decimam habeant. Fa-  
cta est autem hæc constitutio in octavis B. Stephani  
in capitulo Antissiodorensi Guidone præposito,  
Rainaudo archidiacono, Rodulpho thesaurario,  
Stephano cantore præsentibus et assistantibus, sub  
assensu etiam totius capitulo, anno ab Incarnatione  
Domini 1163, domino Alexandro III summo ponti-  
fice, Ludovico rege Francorum, Willelmo juniore  
comite Nivernensi.

## III.

*Alanus monachis Donziaci confirmat ecclesias quas-  
dam.*

Ego ALANUS Dei gratia Antissiodorensis episco-  
pus, notum fieri volo præsentibus et futuris, quod  
bonæ memorie Hugo episcopus Antissiodorensis,  
assumptus in episcopum de ecclesia S. Germani Antis-  
siodorensis cui multo præfuit, S. Mariæ Donziaci  
et monachis ibidem Domino famulantibus ecclesiam  
S. Vincentii de Pogniaco et ecclesiam S. Perigrini  
de Boiaco donavit. Deinde tempore meo orta con-  
tentione de præsentatione presbyteri de Boiaco, vi-  
corum probabilium testimoniis super hoc susceptis,  
vestigiis illius sancti viri inhærens, donum illud  
de ecclesia de Pogniaco et de ecclesia de Boiaco  
factum confirmavi cum præsentatione presbyteri,  
salvo jure episcopali, retenta illa parte decimarum  
quæ juris Ecclesiæ Antissiodorensis erat tempore  
Hugonis episcopi Antissiodorensis assumpti in epi-  
scopum de ecclesia Pontiniacensi, et illa parte census  
quam Benedictus presbyter habebat. Hujus rei testes  
sunt Rainardus abbas Boni Radii, Mauricius prior de  
Donziaco, cuius tempore hoc factum fuit, Stephanus  
cellarius, Rainaudus canonici Antissiodo-  
renses, Arnaudus et Gaufridus monachi de Don-  
ziaco, Arnaudus præpositus et Willelmus canis pu-  
tidus.

Actum anno ab Incarnatione Domini 1164.

## TESTAMENTUM ALANI.

(*Gallia Christiana nova*, t. XII, c. 136.)

Quod de consilio et voluntate capituli nostri fa-  
ctum et confirmatum est, ut nullatenus insirmetur,  
fidei committimus litterarum, ut certum habeant et  
ratum posteri quod exaratum est in præsenti. Ea-

propter ego dictus abbas de Ripatorio, ad præsen-  
tium et posteriorum notitiam scriptum relinquo  
quod venerabilis dominus Alanus quondam Antis-  
siodorensis episcopus, ne quid de bonis quæ habe-

bat remaneret intestatum, sic suum per manum nostra disposuit testamentum : In primis de granaria, quæ Via-Domange (*hodie* Vaudemanche) dicitur, ordinatum et statutum ut possessionum suarum termini ab ea nullatenus transferantur; sed eas ut in præsenti possidet, si perpetuo grangia remaneret, perpetuo possidebit. Quod si aliquando acciderit ut infra muros Doschiæ (*hodie* Dosches) terminos dilatare, ita ut juxta se quatuor carrucatas terræ habeat, tunc etiam termini terrarum quæ extra rivum *de Germon* continentur ad voluntatem abbatis et fratrū sanioris consilii poterunt transportari. Dabitur etiam singulis annis per singulas solemnitates, quibus fratres conveniunt ad audiendum verbum Dei, et in festivitatibus S. Bernardi et in anniversario ejusdem Alani de frumento ejusdem grangie libra panis albi per singulos : et si, urgente temporum necessitate, aliqua earam solemnitatum transfertur, aut sermo dimittitur, hujus tamen dispositio statuti nullatenus dimittatur : De vinea vero *de Valière* dictum est et consensum, quod tota usui conventus deputabitur, et ne pro cultura hujus cellarii gravarentur, quinque arpena vinearum, quæ in monte de Teneleriis (*hodie* Tennenlières) continentur, quæ sibi emerat idem, eisdem assignavit, ut fructum quem inde reciperen, ad ejusdem cultum vineæ resignarent. Dedit nobis præterea septem calices, et omnes libros suos tam

A claustrales quam ecclesiasticos, statuens et praepi-  
piendo disponens, ut de libris et calicibus nullus extra Ripatorium efferratur, aut quomodolibet aspor-  
tetur. Hoc totum factum est hac ratione et consilio  
ut si apud Claram-Vallem in sepulcro patrum suo-  
rum fuerit tumulatus, totum quod de libris dictum  
est ratum permanebit et stabile, sin autem totum  
cassabitur, nec ratum nec stabile permanebit. Quod  
verbum, licet moleste haberemus, utpote tanti Pa-  
tris absentiam non amantes, tamen quoniam res  
erat ei pro anima, et cordi sibi erat ab antiquo. S.  
Bernardo consepteliri, ut simul resurgeret, licet in-  
viti sepulturam concessimus ut rogavit, et omnia  
hæc ut dicta sunt et conscripta, ne processu tem-  
porum deperirent, sub anathematis inseruitus  
interminatione, et sic sigilli nostri impressio-  
ne et sui annuli appositione jussimus rorborari.  
Verumtamen quoniam nihil majus debetur homini,  
quam ut dilectionis affectus qui viventi est exhibi-  
tus, mortuo non negetur, præsentī scripto adjicien-  
tes statuimus, ut cum ex hoc mundo transierit, sa-  
cerdotes quinque missas, clerici duo psalteria, laici  
tres centum *Pater noster* exsolvent. In anniversario  
autem sic agetur, missa pro eo dicetur in convento  
singulis annis, divinum officium pro ea die celebra-  
bant sacerdotes, clerici quinquaginta psalmos, et  
laici centum *Pater noster* exsolvent. Actum anno  
Incarnationis Verbi 1182 (3)

(3) Hujus testamenti authenticæ tabulæ, membraneæ, suis sigillis integris munitæ servantur adhuc in Archivio Publico Trecensi.

## VITA SANCTI BERNARDI

AUCTORE ALANO.

(Vide Patrologiæ tom. CLXXXV, Opp. S. Bernardi tom. IV.)

ANNO DOMINI MCLXXXVI.

## BEATUS PETRUS

CLARÆVALLIS ABBAS OCTAVUS

## NOTITIA HISTORICO-LITTERARIA

(OUDIN, *Script. eccles.*, II, 1581)

PETRUS, cognomento *Monoculus*, Clarævallis abbas octavus, natione Gallus, stirpe nobilis, factus pri-  
mum monachus Clarævallis, atque inde postquam Gaufridus per electionem ab ecclesia Ignaciensi ad regi-  
men Clarævallis transiit, anno 1162 in Gaufridi locum apud Igniacum abbas electus fuit. Cui præfuit